



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Apologia Explicationis Gavsarvm [!], Cvr Cvm Gregorio à
Valentia Hispano, Iesuita Ingolstad. de hominum
mortuorum, Statuarum, Imaginum, &c adoratione, non sit
amplius disputandum: Et Refvtatio ...**

Heerbrand, Jakob

Tvbingæ

VD16 H 960

Nota.

urn:nbn:de:hbz:466:1-36573

sanctorum merita, quæ nulla sunt, quod ad peccatorum expiationem. Solus enim Christus torcular calcavit, & non homo de gentibus secum, nõ Franciscus suis quinque vulneribus fabulosis, & in sanguinẽ atq; vulnera Christi blasphemis. Huc tẽ, Gregori, inquam voco, non alio. Evigila igitur tandem ex veterno & profundissimo tuo somno, somnijsq; humanarum Traditionum & phantasiarum, quibus cerebrum tuum est repletum: unde illud verbo Dei expurgari sinas, ne cum Christus apparuerit glorioso suo aduentu, cum quinque fatuis virginibus destitutus in lampade tua oleo vero, a regno ipsius, propter multiplicem & horrendam tuam Idolomaniam pertinacem, excludaris, & perpetuis adiudicetur tenebris, æterniq; ignis supplicio: ubi ploratus erit & stridor dentium. Sed hæc iam securis istis Hypocritis, quemadmodum & olim a Christo & Baptista Pharisæis, frustra dicuntur. Experiri enim malunt, quam credere & cauere. Mittamus ergo illos quod digni sunt, Inuitum enim qui retinet, idem facit occidenti.

NOTA.

Cum postremam hanc pagellam Typographus videretur significaret, visum est, ad ea, quæ supra habentur folio 10. in fine responsionis meæ, ad primam Hispanant causam, hæc adijcere.

Quod verò dicit: Primum, si definitio mea a Gersonis re ipsa, uti demonstravi, non differt: nihil plus quam definitio Gersonis displicere isti debuit. Nullum enim planè discrimen indicare iste potuit inter utranque

A a defini,

definitionem: tamen si indicare se velle proposuit, Sed nihil aliud fecit, quam quod ex definitione Gersonis nulla inter illam & meam differentia monstrata, probare ineptissimè, sicut antea fecerat, conatus est, Ecclesie cultus esse Idololatriam.

Explicatio causas. fol. 53.

Respondeo. Quantum hoc est de nouo, Hispanum mendacium: quod ais, me nullum potuisse inter tuam imperfectam illam Idololatrie definitionem, & Gersonis, monstrare discrimen: Sed apud tuos, qui legere nostra prohibentur, liberè tibi quiduis dicere & mentiri licet. Quod ut nostri intelligant, libuit ex meo Scripto repetere quaedam, ut Sophistae huius vanitatem videant, Num discrimen aliquod inter ipsius & Gersonis definitionem Idololatrie indicauerim, necne. Verba mea haec sunt: Habes Hispanus Respondentem promptum nullam tentem circuitiōnem, idque ex media hac Disputatione et cōtrouersia sumpto exemplo declarabo. Tu ut te, tuamque societatem, generationem prauam & adulteram à crimine Idololatrie excuses, imperfecta tua & insufficienti definitione asseris, solummodo committi & esse idololatriam, cum honor soli Deo debitus creaturae tribuitur, ut Deo. Verbi gratia: Gemitus & corda hominum cognoscere solius est Dei proprium. Hunc honorem vos mortuis sanctis tribuendum esse contenditis. Ne verò Idololatrie videamini, glossam additis hanc: Quod gemitus, inquis, cognoscunt sancti, id non per naturam posse, sed munere diuino. Quia ergo non proprius illorum sit, nec ut creaturae hic illis tribuatur honor, sed munere diuino id posse: iuxta tuam Idololatrie definitionem, iniuste vos Idololatrie à nobis argui, asseris.

Sed iam audi quid inter tuam & illius intersit definitionem. Secundum Gersonis definitionem Idololatrie

crimen non effugies, Hispane. Sic enim ille definit: Idololatria est exhibitio honoris diuini alicui creaturæ, aliter quàm potest sibi competere. Hoc modo Idololatria est, quod tribuitis hac vita exemptis & absentibus, cordium & gemituum cognitionem. Hoc enim nulli creaturæ potentia tribui potest vllō modo. Sicut enim Deus suam essentiam nulli communicat creaturæ, ita nec omniscientiam, excepto Mariæ filio, in personæ vnitatē à filio Dei assumpto. Estq; proprium incommunicabile. Vnde Deus *καταδιουρυσσο*, id est, scrutator cordium & renum dicitur. Sicut Salomo per Spiritum sanctum dicit: Tu SOLVS nosti corda omnium filiorum hominum. Aliter itaq; hæc cognitio cordium & gemituum creaturæ, id est, mortuis sanctis tribuitur, quàm potest illis competere. Non solum enim non per naturam, sed ne quidem munere diuino cognoscere vllō modo renes & corda hominum possunt. Quare tu Hispane, secundum Gersonis definitionem, Idololatra es turpissimus, qui tua te definitiuncula ab hoc crimine excusare conabaris. Vides ergo iam, quodnam sit inter Gersonis & tuam definitionem discrimen, Hispane, quod tu adeo odio sē, vt tibi responderem, vrgebas.

Non est igitur quod me, vt Thraſonicè facturum te gloriaris, & minaris, Gersonis hac definitione premas, & flagelles: sed temet, quod secundum Regulam Patris tui Loyolæ, sponte facis aliàs.

Τὸ οὖν δόξα